

Altht nāgunī gū king ga Jewsit?
Ada dilamak gut ga, ada houit gish
niat Nha hou'unt.

3 Ada hēit ga gau gut wil tkāishit
ga manpriests ga. (Ada althga gau
za dilamak gut.)

4 Adat gik guadaht gut Pilate ga,
ash ga houit ga, Aini gūth gaulth
dilamak gun? Nī shga wihēida gaut
wil tkāishint.

5 Ada gik wagait althga dilamak
gish Jesus; gun shimt lūshānāthk
gut gut Pilate ga.

6 Wai, ltha lūalgiat ga adat gik
ksha'ākthinhsh ga gault ga nāt dida-
klthit gish dupniat, ligi lip nā ga
hashakt ga.

7 Ada gaul ga wāt gish Barabbas
gū ga hokshk gut gish gut dukdi-
daklthit ga nāt in libiltwātk gut ga
ada na shugiadit gish ga n'da wāt ga.

8 Ada wilt gaut ga wihēlgiat ga
ash gut gwon wāt gish ga shīdī
wāt gish dupniat.

9 Ada dilamak gish Pilate gish
dupniat, ash ga houit ga, Alth hashak
shim alth n'dum ksha'ākthinh king
ga Jewsa dā gwashimī?

10 Awilt wilaish ga lūdū'm ga-
gaud ga gunt wilāgwut ga manpriests
ga.

11 Ada naḡnaunagumaksh ga man-
priests gish ga wihēlgiat ga, ash ga
vagait Barabbas ga gwon ksha-
'ākthinh gish dupniat.

12 Ada gik dilamak gish Pilate
gish ga houit gish dupniat, Dish gau
hashak shim n'dum wilāgwa shūwāt
ā shim dalth king gulth Jews?

13 Ada gik wiamlahoudat ga,
Zagwulth a lak guzāgut.

14 Ada housh Pilate gish dupniat,
Gaulth hadak gulth wāl dida? Ya-
gai zūsh ga wiamlahoudat ga, Za-
gwulth a lak guzāgut.

15 Ada wil hashaksh Pilate gish
ga dunt sha zaish ga gagaudsh ga

giat ga, gunt ksha'ākthinhsh Ba-
rabbas gish dupniat, adat gineash
Jesus gish ga, ltha goudish gut wu-
nezukt ga, ash ga dunt wil lizagwut
gish ga lak guzāk ga.

16 Adat wil dēuntk gut ga soldiers
gish ga zum zawālp ga shūwāt gut
gulth Prætorium; adat wil shagait
hukhūtk gish ga tkānit ga.

17 Ada wilt washint gish ga gwi-
shgwāshk gut ga, adat gaundash gut
sha gaidum shgun gashāshukt ga,
adat hoiyint ga;

18 Ada hīaqush gut dhoiyukshit
ga, Hail king gulth Jews!

19 Adat yez ga dumgousht gish
ga donāqu ga, adat giagul-kbūksht
ga, ada klthumgulgaishū gut gish
gut, lthaudit ga.

20 Ada ltha goudish gut haiyōuzt
ga, adat shadogush ga gwishgwāshk
gut gist niat, adat hoiyunsh ga na
lip hoiyat ga. Adat wil kshadēuntk
gut gish ga dunt lizagwut ga.

21 Adat maulgunsh ga gault ga
Simonum Cyrene ga gū ga gup ligi
yāt wāt gut gish ga gilhouī ga,
nagwātsh dup Alexander dīsh Rufus
ga, nīnīsh ga shtōit ga ash ga dunt
golzūksht ga na guzakt ga.

22 Adat dagaudit gish ga Golgo-
tha ga, gū dā shim algiaksha da
dalth, Wilshgūth dumwilwālgat.

23 Adat gilaksht gish ga wine ga
lthwaiiksh gut gish ga myrrh ga:
ada althgat anaukt.

24 Adat lizagwut gish ga lak gu-
zāk ga, adat bishbashagunsh ga na
wishwash gut ga, ash ga na yēyikt
gish ga gau ga, dum dogash ga
tkānīsh ga giat ga.

25 Ada ltha gwilish ga hour ga,
adat wil lizagwut gish ga lak guzāk
ga.

26 Ada na damīsh gish gut wil
tkāishit ga damtk ga gish ga lakōt
ga, King gulth Jews.